

per persunas d'instrucziun, mainascolas e presidis da scola



Nr. 1 2017/18

Part generala

Retschertga da la savida in englais

Durant ils mais da matg e zercladur èn tut las radund 1600 scolaras e scolars da las secundas classas dil stgalim secundar I en il chantun Grischun vegnids examinads davart lur cumpetenzas d'englais en ils champs tadlar e chapir, discurren, scrire sco era en linguatg el focus (grammatica). Ord vista da prof. dr. Urs Moser, manader dil 'Institut per evaluaziuns da furmazions da l'universitad da Turitg', è l'execuziun da la retschertga correspudenta, er en cumparegliaziun cun auters chantuns, succedida fitg bain. Dal reminent ha prof. dr. Urs Moser scrit, che la collavuraziun cun la magistraglia Grischuna saja stada constructiva ed e fitg empernaivla. Durant ils mais da stad èn ils tests vegnids curregids e validads d'in team dil Institut per evaluaziuns da furmazions.

Ils proxims pass d'il project èn terminads suandantamain. Ils 20 da settember 2017 profundeschan ils mainascolas dil stgalim sec. I en il rom d'ina cussegliaziun spezialisada il tema "svilup da l'instrucziun sin basa da datas" a Landquart. Suenter ch'ils resultats èn vegnids analisads cun in setting standardisà ed integrads en il Portfolio europeic da linguas (PEL), succeda l'october in resun dils resultats a la magistraglia involvida ed a lur scolaras e scolars.

Ils 15 da november a Tusaun u ils 22 da november a Landquart envida l'inspecturat en collavuraziun cun il Institut per evaluaziuns da furmazions da l'universitad da Turitg las persunas d'instrucziun participadas per profundar ils resultats da l'evaluaziun. La preinfurmaziun incl. lieu e temp è gia vegni communitgà il zercladur, il program detaglià succeda a temps.

Sanadad e furmaziun

Cun il "plan directiv tar la promoziun da la sanadad e prevenziun d'il chantun Grischun" duessan commembers da las autoritads communalas, direcziuns da scola sco era la magistraglia vegnids motivai da s'engaschar activamain per bunas cundiziuns da basa. Prevenziun e promoziun da la sanadad èn pensums da l'entira societad, che pretendan era in engaschament dil sector da furmaziun.

Il plan directiv mussa si concret, cun tge per mesiras mintga singula persuna sco era secturs da la politica e da l'economia san s'engaschar per la prevenziun e promoziun da la sanadad. Il plan directiv sa ins chargiar giu da la pagina d'internet Graubündenbewegt.ch. La pagina cuntegna propostas concretas ed è adattada per integrar en l'instrucziun.

[Link: Graubünden-bewegt.ch](http://Graubünden-bewegt.ch)



Furmaziun Plan21 GR

L'Uffizi per la scola populara ed il sport paja per singuls curs da furmaziun obligatorics tar il Plan21 contribuziuns vi dals custs per substituziuns. La dumonda persuerter succeda cun formulars spezial. Quels ed autras infurmaziuns chattais per dalunga da la pagina d'internet dal Uffizi sut la rubrica Plan21.

[Link: Plan21](http://Plan21)



MINT-purschidas/educamint.ch

L'Academia svizra da las ciencias tecnicas (ASST) ha mess online lur plattafurma MINT. Cun in structura schlargiada infurmescha la pagina d'internet sur da trends en la tecnologia e sur d'occurrentas, dat tips per l'instrucziun MINT e preschenta materialias per l'instrucziun sco era bun exempels or da la pratica.

[Link: educamint.ch](http://educamint.ch)



Gruppa accumpagnanta talian stgalim sec I

La gruppa accumpagnanta "talian stgalim sec I" ha per la fin da l'onn da scola 2016/17 actualisà e definì las finamiras intermediaras per Amici d'Italia:

Scola secundara resp. 'nivel cun pretaisas extendidas'

1. sec.: Amici d'Italia 1, Unità 6
2. sec.: Amici d'Italia 2, Unità 3 enfin mesadad Unità 4
3. sec.: Amici d'Italia 2, Unità 9 (med d'instrucziun terminà)

Scola reala resp. 'nivel cun pretaisas fundamentalas'

1. reala: Amici d'Italia 1, Unità 6
2. reala: Amici d'Italia 2, Unità 3 bis Mitte Unità 4
3. reala: Amici d'Italia 2, Unità 9 (med d'instrucziun terminà)

La finamira intermediara è allegada cun l'aggiunta 1. Ulteriuras indicaziuns sco era fepls d'infurmaziuns chattais sin nossa pagina d'internet.

[Link: Stgalim secundar I, Roms](#)



Gruppa accumpagnanta englais stgalim sec I

La gruppa accumpagnanta "englais stgalim sec I" ha per la fin da l'onn da scola 2016/17 actualisà e definì las finamiras intermediaras per New World:

Scola secundara resp. 'nivel cun pretaisa extendida':

1. sec.: New World 3 (versiun finala), Coursebook E, pagina 101-105 (terminà il cudesch)
2. sec.: New World 4 (versiun finala), Coursebook E, pagina 117-121 (terminà il cudesch)
3. sec.: New World 5 (versiun d'emprova), Coursebook pagina 83-91 (terminà il cudesch)

Scola reala resp. 'nivel cun pretaisa fundamentala'

1. reala: New World 3 (versiun finala), Coursebook G, pagina 101-105 (terminà il cudesch)
2. reala: New World 4 (versiun finala), Coursebook G, pagina 96/97
3. reala.: New World 5 (versiun d'emprova), Coursebook pagina 87-91 (terminà il cudesch)

La finamira intermediara è allegada cun l'aggiunta 2. Ulteriuras indicaziuns sco era fepls d'infurmaziuns chattais sin nossa pagina d'internet.

[Link: Stgalim secundar I, Roms](#)



Di europeic da las linguas

Il 26 da settember ha lieu mintgamai il 'Di europeic da las linguas'. Quel di è per las personas d'instrucziun ina buna pussaivladad per avischinar lur classa cun la tematica 'linguas e cultura'. Finamira da quel di è la promoziun da la multifariadad linguistica e l'emprender cuntinuant linguatgs.

Sin la pagina d'internet da CDEP san ins chargin giu la brochura cun ideas per l'instrucziun. Las personas d'instrucziun san registrar activitads planisadas en il chalender d'occurrentas dil Cussegl da l'Europa.

[Link: Di europeic da las linguas](#)



Cun amicabels salids

*Andrea Caviezel,
manader inspecturat da scola*

Part regionala

Termins

Procedura d'admissiun 2017/18

- Decisiun d'assegnaziun probabla: 26 schaner 2018
- Decisiun d'assegnaziun definitiva: 18 avrigl 2018 (per scolas, nua tgi quel termin croda en il temp da las vacanzas da primavaira, vala sco termin definitiv la mesemna avant las vacanzas, ils 11 d'avrigl 2018).
- Examen da recurs: 29 e 30 da matg 2018

Termin d'evaluaziun 2017/18

Scolas	Emna d'evaluaziun
Maladers	25.09. – 29.09.2017
Scharàns	25.09. – 29.09.2017
Cazas	30.10. – 03.11.2017
Cuira, Quader	27.11. – 01.12.2017
Cuira, Rheinau	05.02. – 09.02.2018
Val Alvra dafora	12.03. – 16.03.2018
Schulheim Chur	09.04. – 13.04.2018
SV Mantogna Sura	14.05. – 18.05.2018

Occurrenzas per cussegls da scola atun 2017

Ils presidis da scola ed ulteriurs cussegls da scola interessads èn cordialmain envidads da sa participar e remartgar il termin en l'agenda persunala.

Schulträger	Termin, Ort, Zeit
Tusaun, Masagn, Cazas, Tumleastga, Farschno, Mantogna Sura, Seglias, Scharàns, Schons, Avras, Tumleastga Dadens, Valragn, Alvra, Surses, CS Alvra Dafora, Vaz, CS Alvra Dadens, CS Filisur-Bravuogn,	Gievgia, ils 09.11.2017 Aula scola primara Tusaun 19.00 – 21.00
Cuira, Arosa, Maladers, Curvalda, Panaduz, Razén, Tschiertscha-Prada, Neue Tagesschule Chur, KG Montessori	Mardi, ils 14.11.2017 Aula scola Giacometti Cuira 19.00 – 21.00

Nus ans legrain sin ina buna collavuraziun en il nov onn da scola 2017/18 e giavischain blers plaschairs cun voss uffants e giuvenils a vus confidai.

*Pauli Dosch,
manader inspecturat districtual Plessur-Grischun central*

Tusaun, avust 2017

